



Inatsisartuni ilaasortaq,
Maani/

§ 37 naapertorlugu apeqquteqaammut nr. 290-mut akissut

Ulloq: 21-11-2018
Sullap normua: 2018 - 23154
Akt normu: 9371768

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqarsimavutit, Avannaani Kangianilu qimmit qimuttut kapitineqarneri pillugu. Apeqqutitit uanga suliaasaqarfigisannut akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@naanoq.gl
www.naalakkersuisut.gl

1. Avannaani Tunumilu qimmit qimuttut napparsimatsaalineqarnissamut kapitineqarsimasut nalunaarsorneqartut qassiuppat?

Qimmit akiuussutissalersorneqartarnerannik meqqilersorneqartarnerannillu nuna tamakkerlugu nalunaarsuisarnemut paasissutissanik katersivik (UUMAREG) aqqutigalugu Naalakkersuisut akiuussutissalersuineq malinnaaffigaat. Tassa kommunit akisussaaffigivaat qimmit mikrochip-imik nalunaaqutserneqarnissaat eqqortumillu akiuussutissalernerneqarnissaat kiisalu tamatumanna paasissutissanik katersivimmut nalunaarsuinissaq.

2018-imi ukiassakkut kommuninit nalunaarutigineqarsimavoq qimmit qimuttut katillutik 14-15.000-iusut. Kisitsisit paasissutissanik katersivimmeersut kingulliit aqqutigalugit takuneqarsinnaavoq qimmit qimuttut 7.000-it missaanniittut nalunaarsorneqarsimasut, tassa qimmit qimuttut tamarmiusut 50 %-iisa missaanniittut. Qimmit paasissutissanik katersivimmi nalunaarsorneqarsimasut 50 %-ii sinnilaarlugit eqqortumik akiuussutissalernerneqarsimapput. Taamaalilluni qimmit qimuttut 25 %-iisa missaanniittut qimmit nappaataannik napparsimalersinnaanermut eqqortumik akiuussutissalernerneqarsimapput.

2. Avannaani Tunumilu qimmit qimuttut katillugit qassiunerat nalunaarsugaava?

Aap. Naalakkersuisut Kalaallit Nunaanni qimmit qimuttut qassiunerannik ilisimasaqarnerat kommunit ukiup ingerlanerani qaammatit pingasukkuutaarlugit nalunaaruteqartarnerannik tunngaveqarpoq. Kisitsisilli pineqartut nalorninartoqangaatsiarput, tassa kommunit qanoq kisitsisarnerat qanorlu kisitsinerminni peqqissaarussitigisarnerat assigiinngissuteqangaatsiarami. Tassa kisitsisit ukiup ingerlanerani allanngorangaatsiarsinnaapput.

Qimmit qanoq amerlatigerpiarnersut paasiniarlugu ukiut tamaasa qimmit amerlassusaannik Naalakkersuisut naatsorsuisarput. Taamatut naatsorsuinerami ukiup ataatsip ingerlanerani qimmit agguaqatigiissillugu amerlassusaannik nalunaaruteqartarneq tunngavigineqartarpoq. Taamaalillutik Naalakkersuisut naatsorsuutigaat 2018-ip naalernerani nalunaaruteqartoqareerneratigut 2018-imi qimmit qanoq amerlatiginerannik 2019-imi januaarip qaammataani paasisaqar-nissartik.

Ukiut pingasut kingulliit ingerlaneranni qimminik qimuttoqarfinni qimmit amerlassusaat ima isikkoqarput:

- 2017: qimmit 15.629-t
- 2016: qimmit 14.465-it
- 2015: qimmit 14.605-it

3. Qimmit napparsimatsaalineqarnissamut kapitineqarsimagaluartut napparsimalersulli naammattoorneqartarpat?

Kingullermik nappaalasoqarmat pasitsaanneqarpoq nunaqarfimmi Naajaani Upernaviup avannaata tungaaniittumi juni-juli 2017-imi qimmit nappaataat tuniluutiasuararsuaq pissutaasorineqarpoq. Paasineqarporli qimmit qimuttut najoqqutassiat malillugit suli akiuussutissalersorneqarsimanngitsut matumani pineqartut.

Naalackersuisunut ilsimatitsissutigineqarsimavoq akiuussutissalersuinissamut pilersaarut naapertorlugu qimmit eqqortumik akiuussutissalersorneqarsimasut akornanni nappaalasoqarsimanngittoq.

4. Apeqquut 3, aappiuppat: Tamanna sumik patsiseqarnersoq ilisimaneqarpa?

Apeqquummut 3-mut akissut takuuk. Oqaatigineqassaarli qimmeq eqqortumik akiuussutissalernerqarsimagaluarluni qimmit nappaataannik suli tunillanneqarsinnaammat. Nappaataali sakkukinnerussaaq toqussutaasinnaanginnerul-lunilu.

Qimmit napparsimalersinnaanermut illersorneqassagunik najoqqutassiat Naalackersuisut suliarisimasaat naapertorlugit akiuussutissalernerqassapput. Taamaammat pingaaruteqarluinnarpoq kommunit akiuussutissalersuinissamik salliutitsinissaat qimminillu akiuussutissalersuisut pisariaqartinneqartumik eqqis-sillutik akiuussutissalersuinissaannik piffissaqartillugit. Misilittakkalli takutippaat tamatumunnga tunngatillugu kommunit unammilligassaqartartut.

Soorlu qimmit akiuussutissalernerqarsimasut timiminni illersuutimikkut ajoquteqa-reersut (soorlu miluuffigisaminnit ilanngartuisunit (parasit) ajoquserneqarsimasut imaluunniit kaatsinneqartuarnerup kinguneranik) imaluunniit annertuumik tuniluuttoqarpat (soorlu qimmit akiuussutissalernerqarsimanngitsut akornanni nappaalasoqarpat) tunillanneqarsinnaapput. Taamaammat pingaaruteqarluinnarpoq qimmit qimuttut miluuffigisaminnit ilanngartuisunik ajoquteqalersimasut katsor-sarneqarnissaat aamma nerisaqarluartinneqarnissaat kiisalu qimmit tamarmik akiuussutissalersorneqarnissaat.

5. Ilisimaneqarpa amaqqut Nunatsinnut ikaartut nappaatinik nutaanik nassa-taqartarnersut?

Qimmit qimuttut akornanni nappaatinik takusartakkatsinnik amaqqut tunillaasin-naasutut ilimagineqanngillat. Tamatumani pingaartumik tunngavigineqarpoq amaqqut sumiiffinni killilinniittarneri taamalu qaqutigunnaq qimminik qimuttunik najugaqarfinnilluunniit attaveqartarnerat. Naalackersuisut ilisimasaat malillugu tamanna immikkut misissuiffigineqarsimanngilaq.

Ullumikkut qimmit qimuttut napparsimalernissaannut ulorianartorsiortitsinerpaa-voq uumasut nujuartat perlerornerannit tunillanneqarnissaq. Tamatumunnga pingaarnertut aallaaviusarpoq uumasumit taamatut nappaatilimmit kiineqarneq, matumani pingaartumik teriannianit. Erseqqissaatigineqassaarli uumasut miluumasut allat assigalugit amaqqut perlerulersinnaasut.

6. Apeqquut 5, aappiuppat: Tamanna qanoq nakkutigineqarpa?

Apeqquut 5-imut akissut takuuk. Perlerulertoqarsinnaanera eqqarsaatigalugu qimmit qimuttut nappaammut tassunga illersorniarlugit Naalakkersuisut akiuusutissalersuinissamut aalajangersaasimapput.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq

INUIT ATAQTIGIIT

Inatsisartuni



7. november 2018

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

1. Avannaani Tunumilu qimmit qimuttut napparsimatsaalineqarnissamut kapitinneqarsimasut nalunaarsorneqartut qassiuppat?
2. Avannaani Tunumilu qimmit qimuttut katillugit qassiunerat nalunaarsugaava?
3. Avannaani Tunumilu qimmit napparsimatsaalineqarnissamut kapitinneqarsimagaluartut napparsimalersulli naammattoorneqartarpat?
4. Apeqquut 3, aappiuppat: Tamanna sumik patsiseqarnersoq ilisimaneqarpa?
5. Ilisimaneqarpa amaqquut Nunatsinnut ikaartut nappaatinik nutaanik nassataqartarnersut?
6. Apeqquut 5, aappiuppat: Tamanna qanoq nakkutigineqarpa?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Qimmit qimuttut pillugit sammiviit assigiinngitsut oqallinneq ingerlavoq. Tassunga ilaavoq qimmit peqqissusaannut tunngasut. Tamanna tunuliaqutaavoq apeqquteqaateqarninnut.

Kissaatigivara apeqquutikka ullut suliffiusut qulit qaangiutinnginneranni akineqarnissaat.